

*წარმომადგენლობითი საბჭოს სხდომის
ოქმი №19*

ქ. თბილისი

01.05.09 წ.

დღის წესრიგი:

1. წარმომადგენლობითი საბჭოს წევრისათვის უფლებამოსილების შეწყვეტისა და ახალი წევრისათვის უფლებამოსილების ცნობის შესახებ.
2. წარმომადგენლობითი საბჭოს წევრის უჩა ძიმისტარიშვილის განცხადების (მიმართვის) განხილვა.
3. ივანე ჯავახიშვილის სახელობის თბილისის სახელმწიფო უნივერსიტეტის ი. ვეკუას სახელობის გამოყენებითი მათემატიკის სამეცნიერო-კვლევითი ინსტიტუტის შექმნა.
4. ივანე ჯავახიშვილის სახელობის თბილისის სახელმწიფო უნივერსიტეტის ი. ვეკუას სახელობის გამოყენებითი მათემატიკის სამეცნიერო-კვლევითი ინსტიტუტის დებულების დამტკიცება.
5. ივანე ჯავახიშვილის სახელობის თბილისის სახელმწიფო უნივერსიტეტის მაღალი ენერგიების ფიზიკის სამეცნიერო-კვლევითი ინსტიტუტის შექმნა.
6. ივანე ჯავახიშვილის სახელობის თბილისის სახელმწიფო უნივერსიტეტის მაღალი ენერგიების ფიზიკის სამეცნიერო-კვლევითი ინსტიტუტის დებულების დამტკიცება.
7. ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის შექმნა.
8. ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის დებულების დამტკიცება.
9. ივანე ჯავახიშვილის სახელობის თბილისის სახელმწიფო უნივერსიტეტსა და შ.პ.ს. “ფუდ-მასტერს” შორის არსებულ 16.10.2007 წ. №21/08 საიჯარო ხელშეკრულებაში ცვლილების შეტანა.

10. “ჰუმანიტარულ მეცნიერებათა ფაკულტეტის აკადემიური პერსონალის სრული, ასოცირებული და ასისტენტ-პროფესორების შრომის ანაზღაურების ოდენობის დადგენის შესახებ” აკადემიური საბჭოს 13.04.2009 წლის №212 დადგენილების დამტკიცება.

სხდომას ესწრებოდა:

წარმომადგენლობითი საბჭო – 19 წევრით (მათ დაემატა ერთი ახალი წევრი უფლებამოსილების ცნობის შემდეგ);

აკადემიური საბჭო – 9 წევრით; თსუ-ს ადმინისტრაციის ხელმძღვანელის მოვალეობის შემსრულებელი რომან ხარბელია, თსუ-ს იურიდიული ფაკულტეტის დეკანის მ.შ ირაკლი ბურდული, ჰუმანიტარულ მეცნიერებათა ფაკულტეტის დეკანის მ.შ დარეჯან თვალთვაძე, იურიდიული დეპარტამენტის უფროსი ლელა ბენიძე და სხვ;

წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა დღის წესრიგი.

კენჭისყრის შედეგი:

კენჭისყრაში მონაწილეთა რაოდენობა: 19

მომხრე – 19;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს დღის წესრიგი წარმოდგენილი სახით.

1. წარმომადგენლობითი საბჭოს სპიკერმა აღნიშნა, რომ წარმომადგენლობითი საბჭოს წევრი ქეთევან მარშავა არჩეული იქნა აკადემიური საბჭოს წევრად. ამდენად, დღის წესრიგში დადგა ქ-ნ ქეთევან მარშავასათვის წარმომადგენლობითი საბჭოს წევრობის უფლებამოსილების შეწყვეტისა და მის უფლებამონაცვლედ ეკონომიკისა და ბიზნესის ფაკულტეტის პროფესორის ენვერ ლაგვილავას უფლებამოსილების ცნობის საკითხი.

გაიმართა კენჭისყრა აღნიშნულ საკითხზე.

კენჭისყრის შედეგი:

კენჭისყრაში მონაწილეთა რაოდენობა -19

მომხრე - 19;

წინააღმდეგი - 0;

თავი შეიკავა - 0;

მიღებული გადაწყვეტილება:

შეუწყდეს უფლებამოსილება წარმომადგენლობითი საბჭოს წევრ ქეთევან მარშავას და ცნობილი იქნეს ენვერ ლაგვილავას წარმომადგენლობითი საბჭოს წევრობის უფლებამოსილება.

2. წარმომადგენლობითი საბჭოს სპიკერმა კახაბერ ლორიამ საბჭოს გააცნო წარმომადგენლობითი საბჭოს წევრის უნა ძიმისტარიშვილის განცხადება (მიმართვა), რომლითაც საბჭოს წევრი საქართველოს ზოგადი ადმინისტრაციული კოდექსის 60.1.ბ მუხლის საფუძველზე ითხოვს წარმომადგენლობითი საბჭოს მიერ 24 თებერვალს დეკანის არჩევნების წესის შესახებ მიღებული დებულების არარად ცნობას საქართველოს ზოგადი ადმინისტრაციული კოდექსის 60.2 მუხლის მიხედვით; აკადემიური

საბჭოს მიერ 16 თებერვალს მიღებული დებულების დამტკიცებას; ხოლო მისი დაუმტკიცებლობის შემთხვევაში ცვლილებათა პაკეტის შემუშავებასა და აკადემიური საბჭოსათვის მის გადაცემას.

სპიკერმა საბჭოს შეახსენა იმ განხორციელებული ცვლილებების თაობაზე, რაც წარმომადგენლობითი საბჭოს მიერ შეტანილი იქნა წესში, მისი ცალკეული საკითხები დაზუსტებისა და შევსების მიზნით. კერძოდ, იმის გამო, რომ აკადემიური საბჭოს დადგენილებაში იყო მითითებული მხოლოდ არჩევნების დამთავრების დრო, წარმომადგენლობითმა საბჭომ შეავსო ეს ხარვეზი და განსაზღვრა ასევე დაწვევების დრო, ასევე იმის გამო, რომ წარმოდგენილ დოკუმენტში არ იყო გათვალისწინებული, თუ ვის უნდა დაენიშნა არჩევნები, გასწორდა ეს ხარვეზიც და სხვ., ამდენად ცვლილებები იმდენად არარსებითი იყო, რომ მის შედეგად დოკუმენტს მნიშვნელოვანი ცვლილებები არ განუცდია და იგი არსებითად ატარებდა მხოლოდ ტექნიკურ ხასიათს. ამასთან სპიკერმა აღნიშნა ის გარემოება, რომ თავად განმცხადებელი ესწრებოდა აღნიშნულ სხდომაზე კონკრეტული საკითხის განხილვას და გადაწყვეტილებას მხარი დაუჭირა კენჭისყრაზე თანხმობით.

სიტყვა გადაეცა წარმომადგენლობითი საბჭოს წევრს, განმცხადებელს უჩა ძიმისტარიშვილს, რომელმაც აღნიშნა, რომ სენატი იყო არაუფლებამოსილი ორგანო. მას მიაჩნია, რომ დეკანის არჩევის წესი უნდა განსაზღვროს აკადემიურმა საბჭომ, ხოლო სენატმა მის წინაშე წარმოდგენილი დებულება ან უნდა დაამტკიცოს, ან არ უნდა დაამტკიცოს, ხოლო თუ სენატი ცვლილებას შეიტანს, მაშინ ამგვარად მიღებული დებულება უნდა ჩაითვალოს არარად და თვით სენატმა უნდა ცნოს იგი ბათილად, წინააღმდეგ შემთხვევაში არჩეული დეკანებიც არ იქნებიან უფლებამოსილი პირები.

სპიკერის კითხვაზე: რატომ არ დასვით საკითხი სენატზე განხილვის დროს, მით უფრო, რომ დადებითი ხმა გაქვათ მიცემული, ბ-ნ უჩა ძიმისტარიშვილმა უპასუხა, რომ მაშინ არ იცოდა ამის თაობაზე, შეისწავლა შემდგომ ეს საკითხი და როგორც მომავალი იურისტი თავს ვალდებულად თვლის, რომ განაცხადოს აღნიშნულზე.

აზრი გამოთქვას:

გიორგი ხუბუა (რექტორი, აკადემიური საბჭოს თავმჯდომარე) – მე როგორც იურისტი, ვფიქრობ, რომ ეს არ არის ის სამართლებრივი საფუძველი, რომლითაც სენატი თავის მიერ მიღებულ აქტს გამოაცხადებს არარად. არ შეიძლება ვთქვათ, რომ სენატი არის არაუფლებამოსილი ორგანო. აკადემიური და წარმომადგენლობითი საბჭოების ფუნქციები გამიჯნულია. იურიდიული თვალსაზრისით წარმოდგენილი არ არის გასაზიარებელი არგუმენტები. გარდა ამისა, დღეისათვის დაწყებულია დეკანების განაცხადების რეგისტრაცია და წარმოდგენილია საბუთები. სენატის არაუფლებამოსილების საკითხი იმთავითვე გამოირიხცება წესდების მუხლების შესაბამისად, რომლითაც სწორედ რომ წარმომადგენლობითი საბჭო ამტკიცებს აკადემიური საბჭოს მიერ შემუშავებულ წესს მათივე წარდგინებით.

ლელა ბენიძე (თსუ-ს იურიდიული დეპარტამენტის უფროსი) – ბ-ნ უჩა ითხოვს აქტის არარად აღიარებას. საქართველოს ზოგად ადმინისტრაციული კოდექსის მე-60 მუხლის “ბ” პუნქტის თანახმად, ადმინისტრაციულ-სამართლებრივი აქტი გამოცემისთანავე ითვლება არარად, თუ იგი გამოცემულია არაუფლებამოსილი ორგანოს ან არაუფლებამოსილი პირის მიერ. თსუ-ს წესდების მე-18 მუხლის “ნ” პუნქტის შესაბამისად, სწორედ, რომ წარმომადგენლობითი საბჭო ამტკიცებს ფაკულტეტების დეკანების არჩევის წესს აკადემიური საბჭოს წარდგინებით. ამდენად, სენატის არაუფლებამოსილების საკითხი იმთავითვე უნდა გამოირიხცოს. რაც შეეხება მეორე საკითხს, იყო თუ არა უფლებამოსილი სენატი აკადემიური საბჭოსთვის დაუბრუნებლად დაემტკიცებინა წესი გარკვეული შენიშვნებით, მიუხედავად იმისა, რომ პროცედურა აღნიშნულზე გათვალისწინებული არ არის არც კანონით, არც წესდებით და არც საბჭოების რეგლამენტით, აღნიშნული შეიძლებოდა განხილულიყო სენატის მიერ უფლებამოსილების გადამეტებად, რომელიც უკავშირდება არა აქტის არარად ცნობას, არამედ ბათილობას. თუმცა საქართველოს ზოგადი ადმინისტრაციული კოდექსის 60’ მუხლის მიხედვით ადმინისტრაციულ-სამართლებრივი აქტი ბათილია,

თუ იგი ეწინააღმდეგება კანონს ან არსებითად დარღვეულია მისი მომზადებისა და გამოცემის კანონმდებლობით დადგენილი სხვა მოთხოვნები. როგორც სპიკერმა აღნიშნა შეტანილი შენიშვნები არაარსებითია. ამასთან, აქტის ბათილად ცნობის მოთხოვნის შემთხვევაში ვრცელდება მისი გასაჩივრების 1 თვიანი ვადა. ამდენად დგება მოთხოვნის ხანდაზმულობის საკითხი, ვინაიდან ბატონი უჩასთვის აღნიშნული აქტის თაობაზე ცნობილი იყო ჯერ კიდევ 24 თებერვალს, ხოლო განცხადება შემოტანილია 14 აპრილს, თან აქტის არარად ცნობის მოთხოვნით. ამასთან დავამეტებ, რომ აქტის ბათილად ცნობისათვის აუცილებელია, რომ იგი პირდაპირ და უშუალო ზიანს აყენებდეს პირის კანონიერ უფლებას ან ინტერესს ან უკანონოდ ზღუდავდეს მის უფლებას.

აკადემური საბჭოს წევრის გიორგი დავითაშვილის კითხვაზე რა განსხვავებაა აქტის ბათილად ცნობასა და არარა აქტად ცნობას შორის, იურიდიული დეპარტამენტის უფროსმა ლელა ბენიძემ უპასუხა, რომ აქტის ბათილად ცნობისას უნდა განისაზღვროს მისი მოქმედების სამართლებრივი შედეგები, კერძოდ, აქტი ბათილია: ა) მისი ძალაში შესვლის დღიდან; ბ) მისი ბათილად ცნობის დღიდან; გ) მომავალში, კონკრეტული თარიღის მითითებით, ხოლო არარად აქტი ითვლება მისი გამოცემისთანავე.

გიორგი დავითაშვილი: დავა არ უნდა იყოს იმაზე, რომ აკადემიური საბჭოს მიერ წარმომადგენლობითი საბჭოს წინაშე წარდგენილი დოკუმენტი არ უნდა შეცვლილიყო, დამტკიცება ნიშნავს, დამტკიცებას და არა ცვლილებას, თუ შესაცვლელია მაშინ უნდა გადმოგვიგზავნოთ. მთავარი ისაა, რა შედეგი შეიძლება მოყვეს აღნიშნული დოკუმენტის არარად ცნობას, მიმაჩნია რომ დეკანის არჩევნები არ უნდა შეჩერდეს. ბ-ნ უჩას შეუძლია სასამართლო წესით იდაოს.

უჩა ძიმისტარიშვილი: წარმომადგენლობით საბჭოს არანაირი ცვლილების შეტანის უფლება არა აქვს, თუნდაც არაარსებითის.

გამოთქმულმა შეხედულებამ გამოიწვია აზრთა სხვადასხვაობა. აღინიშნა, რომ თუ წარმომადგენლობით საბჭოს არაფრის უფლება არა აქვს, მაშინ რა აზრი აქვს ამ საბჭოს წინაშე დოკუმენტის წარმოდგენას.

გიორგი ხუბუა: თუ სენატი იტყვის, რომ ისინი არიან არაუფლებამოსილი ორგანო, მაშინ რატომ წარვუგდენტ არაუფლებამოსილ ორგანოს დოკუმენტს.

უჩა ძიმისტარიშვილი: აკადემიური საბჭო ეყრდნობა კანონს და უნივერსიტეტის წესდებას.

ირაკლი ბურდული (იურიდიული ფაკულტეტის დეკანის მ.შ) მე ვთვლი, რომ პრობლემა არ არის ორი გარემოების გამო: პირველი, ორპალატიან პარლამენტში მსგავსი წესი სამართლებრივად არის გაწერილი. ჩვენ კი ეს პროცედურა გაწერილი არ გვაქვს, ამიტომ ეს არ შეიძლება ჩაითვალოს დარღვევად. ეს არის ერთ ჭერქვეშ მოქმედი ორი ორგანო. აქ მნიშვნელოვანია, რომ სხვა შემთხვევებისაგან განსხვავებით, დებულება ძალაში შედის არა აკადემიური საბჭოს მიერ მიღების, არამედ წარმომადგენლობითი საბჭოს მიერ მისი დამტკიცებისთანავე, მეორე, რამდენად არის ბ-ნ უჩა კანონიერი ინტერესის მატარებელი ამგვარი საკითხის დასმისა. აკადემიურმა საბჭომ ღუმილით გამოხატა თავის დოკუმენტში ცვლილებების შეტანის ფაქტი. აკადემიურ საბჭოს ამასთან დაკავშირებით არანაირი პრეტენზია არ გამოუთქვამს, მით უფრო, რომ შეტანილი ცვლილებები მართლაც რომ არაარსებითია.

უჩა ძიმისტარიშვილი: არ ვეთანხმები ამ აზრს. ეს გადაწყვეტილება მოქმედებს ყველზე. ნებისმიერი სტუდენტი არის უფლებამოსილი განაცხადოს პრეტენზია.

გიორგი შამათავა (წარმომადგენლობითი საბჭოს წევრი, სტუდენტური თვითმმართველობის პრეზიდენტი): პროცედურა უნდა ყოფილიყო გაწერილი წესდებაში, იმ ფონზე როცა ეს არ არსებობს, ვერ ვიტყვით რომ საბჭომ კანონი დაარღვია.

სპიკერმა კენჭისყრაზე დასვა საკითხი უნა ძიმისტარიშვილის განცხადების (14.04.2009 წ.) დაკმაყოფილების თაობაზე.

კენჭისყრის შედეგი:

კენჭისყრაში მონაწილეთა რაოდენობა: 20

მომხრე - 3;

წინააღმდეგი - 11;

თავი შეიკავა - 6;

მიღებული გადაწყვეტილება:

უარი ეთქვას წარმომადგებლობითი საბჭოს წევრს უნა ძიმისტარიშვილს განცხადების (14.04.2009 წ.) დაკმაყოფილების თაობაზე.

ამის შემდეგ სპიკერმა დასვა საკითხი, მიღებული გადაწყვეტილების შესახებ აკადემიური საბჭოსათვის ინფორმაციის გადაგზავნის თაობაზე.

კენჭისყრის შედეგი:

კენჭისყრაში მონაწილეთა რაოდენობა: 19

მომხრე - 15;

წინააღმდეგი - 0;

თავი შეიკავა - 4;

მიღებული გადაწყვეტილება:

წარმომადგენლობითი საბჭოს მიერ მიღებული გადაწყვეტილების შესახებ ეცნობოს აკადემიურ საბჭოს.

3. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა აკადემიური საბჭოს 2009 წლის 13 აპრილის №206 დადგენილება – ივანე ჯავახიშვილის სახელობის თბილისის სახელმწიფო უნივერსიტეტის ი. ვეკუას სახელობის გამოყენებითი მათემატიკის სამეცნიერო-კვლევითი ინსტიტუტის შექმნის შესახებ.

აღნიშნულ საკითხზე გაიმართა კენჭისყრა:

კენჭისყრაში მონაწილეთა რაოდენობა: 20

კენჭისყრის შედეგი:

მომხრე – 20;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს აკადემიური საბჭოს 2009 წლის 13 აპრილის №206 დადგენილება – ივანე ჯავახიშვილის სახელობის თბილისის სახელმწიფო უნივერსიტეტის ი. ვეკუას სახელობის გამოყენებითი მათემატიკის სამეცნიერო-კვლევითი ინსტიტუტის შექმნის შესახებ.

4. წარმომადგენლობითი საბჭოს სპიკერმა კახაბერ ლორიაშვილმა საბჭოს დასამტკიცებლად წარუდგინა ივანე ჯავახიშვილის სახელობის თბილისის სახელმწიფო უნივერსიტეტის ი. ვეკუას სახელობის გამოყენებითი მათემატიკის სამეცნიერო-კვლევითი ინსტიტუტის დებულება. მოქმედი კანონმდებლობის შესაბამისად საკითხის განხილვას ესწრება აკადემიური საბჭო, შესაბამისად,

საკითხის განხილვაში მონაწილეობდნენ:

წარმომადგენლობითი საბჭო – 20 წევრით;

აკადემიური საბჭო – 9 წევრით;

აღნიშნულ საკითხზე გაიმართა კენჭისყრა, რომელშიც კანონმდებლობისა და თსუ-ს წესდების შესაბამისად მონაწილეობდნენ მხოლოდ წარმომადგენლობითი საბჭოს წევრები.

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 20;

წინააღმდეგი – 0;

თავი შეიკავა – 0;

მიღებული გადაწყვეტილება:

დამტკიცდეს ივანე ჯავახიშვილის სახელობის თბილისის სახელმწიფო უნივერსიტეტის ი. ვეკუას სახელობის გამოყენებითი მათემატიკის სამეცნიერო-კვლევითი ინსტიტუტის დებულება წარმოდგენილი სახით.

5. წარმომადგენლობითი საბჭოს სპიკერმა კახაბერ ლორიაშვილმა საბჭოს დასამტკიცებლად წარუდგინა აკადემიური საბჭოს 2009 წლის 13 აპრილის

№205 დადგენილება – ივანე ჯავახიშვილის სახელობის თბილისის სახელმწიფო უნივერსიტეტის მაღალი ენერჯიების ფიზიკის სამეცნიერო-კვლევითი ინსტიტუტის შექმნის შესახებ.

აღნიშნულ საკითხზე გაიმართა კენჭისყრა:

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 20;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს აკადემიური საბჭოს 2009 წლის 13 აპრილის №205 დადგენილება – ივანე ჯავახიშვილის სახელობის თბილისის სახელმწიფო უნივერსიტეტის მაღალი ენერჯიების ფიზიკის სამეცნიერო-კვლევითი ინსტიტუტის შექმნის შესახებ.

6. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა ივანე ჯავახიშვილის სახელობის თბილისის სახელმწიფო უნივერსიტეტის მაღალი ენერჯიების ფიზიკის სამეცნიერო-კვლევითი ინსტიტუტის დებულება. მოქმედი კანონმდებლობის შესაბამისად საკითხის განხილვას ესწრება აკადემიური საბჭო, შესაბამისად,

საკითხის განხილვაში მონაწილეობდენ:

წარმომადგენლობითი საბჭო – 20 წევრით;

აკადემიური საბჭო – 9 წევრით;

აღნიშნულ საკითზე გაიმართა კენჭისყრა, რომელშიც კანონმდებლობისა და თსუ-ს წესდების შესაბამისად მონაწილეობდნენ მხოლოდ წარმომადგენლობითი საბჭოს წევრები.

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 20;

წინააღმდეგი – 0;

თავი შეიკავა – 0;

მიღებული გადაწყვეტილება:

დამტკიცდეს ივანე ჯავახიშვილის სახელობის თბილისის სახელმწიფო უნივერსიტეტის მაღალი ენერჯიების ფიზიკის სამეცნიერო-კვლევითი ინსტიტუტის დებულება წარმოდგენილი სახით.

7. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა აკადემიური საბჭოს 2009 წლის 21 იანვრის №165 დადგენილება – ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის შექმნის შესახებ.

აღნიშნულ საკითხთან დაკავშირებით გაიმართა დისკუსია, რომელშიც მონაწილეობდნენ წარმომადგენლობითი საბჭოს წევრები: ელგუჯა მექვაბიშვილი და რამაზ ქურდაძე. დაისვა საკითხი, ხომ არა აქვს ადგილი ფაკულტეტზე არსებულ ტურიზმის სკოლასთან დუბლირებას, რით განსხვავდება ეს ორი სკოლა ერთმანეთისგან. ამასთან, ერთხმად აღნიშნა ტურიზმის საერთაშორისო სკოლის მნიშვნელობის

თაობაზე და ის ფაქტი, რომ ტურიზმი მოიცავს არა მხოლოდ ეკონომიკის სფეროს, არამედ მას აქვს ინტერდისციპლინალური ხასიათი. შეკითხვებს უპასუხა ტურიზმის საერთაშორისო სკოლის დირექტორმა მაია მარგველაშვილმა, რომელმაც აღნიშნა, რომ იდეა აღნიშნული სკოლის შექმნის შესახებ მოწონებული იქნა აკადემიური საბჭოს მიერ, ფაკულტეტის ფარგლებში იგი დარჩება ქართულენოვანი სტუდენტებისათვის ტურიზმის სპეციალობით, ხოლო ეს ერთეული იქნება საუნივერსიტეტო მნიშვნელობის ამერიკულ-ქართული სკოლა.

აღნიშნულ საკითხზე გაიმართა კენჭისყრა:

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 19;

წინააღმდეგი – 0;

თავი შეიკავა – 1;

მიღებული გადაწყვეტილება:

დამტკიცდეს აკადემიური საბჭოს 2009 წლის 21 იანვრის №165 დადგენილება – ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის შექმნის შესახებ.

8. წარმომადგენლობითი საბჭოს სპიკერმა კახაბერ ლორიამ საბჭოს დასამტკიცებლად წარუდგინა ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის დებულება. მოქმედი კანონმდებლობის შესაბამისად საკითხის განხილვას ესწრება აკადემიური საბჭო, შესაბამისად,

საკითხის განხილვაში მონაწილეობდნენ:

წარმომადგენლობითი საბჭო – 20 წევრით;

აკადემიური საბჭო – 9 წევრით;

საკითხის ირგვლივ გაიმართა დისკუსია, რომელშიც მონაწილეობდნენ როგორც წარმომადგენლობითი საბჭოს წევრები, ასევე აკადემიური საბჭოს თავმჯდომარე გიორგი ხუბუა, აკადემიური საბჭოს წევრი ზურაბ დავითაშვილი. წარმომადგენლობითი საბჭოს წევრმა გიორგი გოგსაძემ დასვა შეკითხვა დაფინანსებასთან დაკავშირებით. აღინიშნა, რომ უნივერსიტეტი პრეზიდენტის ფონდთან ერთად წილობრივად მონაწილეობს სკოლის ინფრასტრუქტურის მოწესრიგებაში. ასევე დაისვა საკითხი სკოლის სახელწოდებასთან დაკავშირებით, ვინაიდან წარმოდგენილი დებულებაში მითითებული სახელწოდება არ შეესაბამება აკადემიური და წარმომადგენლობითი საბჭოების მიერ შექმნილი სკოლის სახელწოდებას. შესაბამისად კენჭისყრაზე დადგა არა “ივ. ჯავახიშვილის სახელობის თბილისის სახელმწიფო უნივერსიტეტის ტურიზმისა და მასპიძლობის მენეჯმენტის სკოლის”, არამედ “ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის” დებულების დამტკიცების საკითხი.

აღნიშნულ საკითხზე გაიმართა კენჭისყრა, რომელშიც კანონმდებლობისა და თსუ-ს წესდების შესაბამისად მონაწილეობდნენ მხოლოდ წარმომადგენლობითი საბჭოს წევრები.

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 19;

წინააღმდეგი – 0;

თავი შეიკავა – 1;

მიღებული გადაწყვეტილება:

დამტკიცდეს ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლის დებულება.

9. ივანე ჯავახიშვილის სახელობის თბილისის სახელმწიფო უნივერსიტეტსა და შ.პ.ს. “ფუდ-მასტერს” შორის 16.10.2007 წ. №21/08 საიჯარო ხელშეკრულებაში ცვლილების შეტანის შესახებ ინფორმაცია წარმომადგენლობითი საბჭოს წევრებს წარუდგინა ადმინისტრაციის ხელმძღვანელის მოვალეობის შემსრულებელმა ბ-ნმა რომან ხარბელიამ. აღინიშნა, რომ ივანე ჯავახიშვილის სახელობის თბილისის სახელმწიფო უნივერსიტეტსა (მეიჯარე) და კონკურსში გამარჯვებულ შ.პ.ს. “ფუდ-მასტერს” შორის (მოიჯარე) კანონმდებლობის სრული დაცვით დაიდო საიჯარო ხელშეკრულება 16.10.2007 წ. №21/08, რომლითაც მოიჯარეს გადაეცა ქ. თბილისში, ი. ჭავჭავაძის გამზ. №1-ში მდებარე შენობა-ნაგებობა ფართით 1060,56 (ათას სამოცი და ორმოცდათექვსმეტი მეასედი) კვ.მ და უნივერსიტეტის ქ. №2-ში არსებული 664 (ექვსას სამოცდაოთხი) კვ.მ ფართი კვების ობიექტის მოსაწყობად.

უნივერსიტეტს მომართა შ.პ.ს. “ფუდ-მასტერის” დირექტორმა ალ. მაკარიძემ წერილით, რომელშიც აღნიშნულია, რომ საერთო ეკონომიკური კრიზისიდან, 2008 წლის რუსეთ-საქართველოს ომით გამოწვეული ვითარებიდან გამომდინარე, ასევე უნივერსიტეტის I კორპუსის შენობის სარემონტო სამუშაოების გამო სტუდენტებისა და პროფესორ-მასწავლებლების სხვა კორპუსებში გადანაწილებით კომპანიას შეექმნა სერიოზული ფინანსური და ეკონომიკური პრობლემები. გამომდინარე აქედან, ზემოაღნიშნული ობიექტების შენარჩუნებისათვის, კომპანიის მენეჯმენტს ერთ-ერთ აუცილებელ პირობად მიაჩნია ხარჯების შემცირება – იჯარით აღებული ფართების დაუტვირთავი ნაწილის მეიჯარისთვის უკან დაბრუნების გზით, კერძოდ, ჭავჭავაძის გამზ. №1-ში მდებარე 1060,56 კვ.მ ფართის შემცირება 532 კვ.მ-ით (მეორე სართულის დარბაზი 250 კვ.მ და სარდაფი 224) ასევე, უნივერსიტეტის ქ. №2-ში მდებარე 664 კვ.მ ფართის შემცირება 198 კვ.მ-ით დარბაზის ნაწილის ხარჯზე.

ივანე ჯავახიშვილის სახელობის თბილისის სახელმწიფო უნივერსიტეტისათვის, როგორც მეიჯარისათვის მისაღებია აღნიშნული წინადადება, იმის გათვალისწინებით, რომ იგი არ არის დაკავშირებული 1 (ერთ) კვადრატულ მეტრზე საიჯარო ქირის არსებული ფასის შემცირებასთან, ამასთან უნივერსიტეტს უბრუნდება ფართი გარემონტებულ მდგომარეობაში, რასაც გამოვიყენებთ საჭიროებისამებრ. ურთიერთშეთანხმების მიღწევის შემთხვევაში, შ.პ.ს. “ფუდ-მასტერს” იჯარით აღებული დარჩება შესაბამისად, 586,56 კვ.მ და 466 კვ.მ ფართი.

ზემოაღნიშნულიდან გამომდინარე, “უმაღლესი განათლების შესახებ” საქართველოს კანონის 85-ე მუხლის მოთხოვნათა შესაბამისად ადმინისტრაციის ხელმძღვანელის მოვალეობის შემსრულებელმა ითხოვა თანხმობა, რათა ივანე ჯავახიშვილის სახელობის თბილისის სახელმწიფო უნივერსიტეტსა და შ.პ.ს. “ფუდ-მასტერს” შორის 16.10.2007 წ. №21/08 საიჯარო ხელშეკრულების 1-ლი მუხლის 1.1. პუნქტში შეტანილი იქნას ცვლილება და მოიჯარესათვის გადაცემული ფართი განისაზღვროს,

ქ. თბილისში, ი. ჭავჭავაძის გამზ. №1-ში მდებარე შენობა-ნაგებობა 586,56 (ხუთასოთხმოცდაექვსი და ორმოცდათექვსმეტი მეთასედი) კვ.მ და უნივერსიტეტის ქ. №2-ში 466 (ოთხასსამოცდაექვსი) კვ.მეტრის ოდენობით.

აღნიშნულ საკითხზე გაიმართა კენჭისყრა.

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 20;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

გაიცეს თანხმობა ივანე ჯავახიშვილის სახელობის თბილისის სახელმწიფო უნივერსიტეტსა და შ.პ.ს. “ფუდ-მასტერს” შორის 16.10.2007 წ. №21/08 საიჯარო ხელშეკრულებაში ცვლილების შეტანის შესახებ.

10. წარმომადგენლობითი საბჭოს სპიკერმა კახაბერ ლორიაშვილმა საბჭოს დასამტკიცებლად წარუდგინა აკადემიური საბჭოს 2009 წლის 13 აპრილის №212 დადგენილება – ჰუმანიტარულ მეცნიერებათა ფაკულტეტის აკადემიური პერსონალის სრული, ასოცირებული და ასისტენტ-პროფესორების შრომის ანაზღაურების ოდენობის დადგენის შესახებ.

გაიმართა მსჯელობა წარმოდგენილი საკითხის ირგვლივ. სიტყვით გამოვიდა ჰუმანიტარულ მეცნიერებათა ფაკულტეტის დეკანის მ.შ. დარეჯან თვალთვაძე;

აღნიშნულ საკითხზე გაიმართა კენჭისყრა:

კენჭისყრის შედეგი:

კენჭისყრაში მონაწილეთა რაოდენობა: 20

მომხრე – 20;

წინააღმდეგი – 0;

თავი შეიკავა – 0;

გადაწყვეტილება წარმომადგენლობითი საბჭოს მიერ ერთხმად იქნა მიღებული.

მიღებული გადაწყვეტილება:

დამტკიცდეს აკადემიური საბჭოს 2009 წლის 13 აპრილის №212 დადგენილება – ჰუმანიტარულ მეცნიერებათა ფაკულტეტის აკადემიური პერსონალის სრული, ასოცირებული და ასისტენტ-პროფესორების შრომის ანაზღაურების ოდენობის დადგენის შესახებ.

წარმომადგენლობითი საბჭოს

სპიკერი

სხდომის მდივანი



კახაბერ ლორია

ცირა ბარამიძე

დამტკიცებულია თსუ-ს წარმომადგენლობითი საბჭოს
გადაწყვეტილებით (სხდომა №19, 01.05.2009)

წარმომადგენლობითი საბჭოს საპროტოკოლოს
საბჭოს წევრი



**ივ. ჯავახიშვილის სახელობის თბილისის სახელმწიფო უნივერსიტეტის
ი. ვეკუას სახელობის გამოყენებითი მათემატიკის სამეცნიერო-კვლევითი
ინსტიტუტის
დ ე ბ უ ლ ე ბ ა**

მუხლი 1. ზოგადი დებულებები

- 1.1. ივ. ჯავახიშვილის სახელობის თბილისის სახელმწიფო უნივერსიტეტის (*შემდგომში – უნივერსიტეტი*) ილია ვეკუას სახელობის გამოყენებითი მათემატიკის სამეცნიერო-კვლევითი ინსტიტუტი (*შემდგომში – ინსტიტუტი*) არის საუნივერსიტეტო მნიშვნელობის ერთეული.
- 1.2. ინსტიტუტი თავის საქმიანობაში ხელმძღვანელობს საქართველოს კანონმდებლობით, უნივერსიტეტის წესდებით და ამ დებულებით.
- 1.3. ინსტიტუტს აქვს ბლანკი. საჭიროების შემთხვევაში ინსტიტუტს შეიძლება გაეხსნას საბანკო ქვანგარიში.

მუხლი 2. ინსტიტუტის მიზნები და საქმიანობის საგანი

2.1. ინსტიტუტის მიზანია:

- ახორციელებდეს ფუნდამენტური და გამოყენებითი ხასიათის სამეცნიერო-კვლევით სამუშაოებს გამოყენებით მათემატიკაში, მექანიკაში და ინფორმატიკაში, გარდა ამისა, საკონსულტაციო და საექსპერტო საქმიანობას სახელმწიფო ან კერძო სექტორის დაკვეთით;
- წარმოადგენდეს საუნივერსიტეტო ბაზას, მძლავრი კომპიუტერული უზრუნველყოფით, არა მარტო ზუსტ და საბუნებისმეტყველო მეცნიერებათა, არამედ ჰუმანიტარულ, საზოგადოებრივ, სოციალურ, ეკონომიკურ, იურიდიულ, სამედიცინო მეცნიერებათა დარგებში უნივერსიტეტის თანამშრომლების მიერ კვლევის საწარმოებლად მათემატიკური მეთოდებისა და კომპიუტერული ტექნოლოგიების გამოყენებით;
- ინსტიტუტის პროფილის ფარგლებში ხელი შეუწყოს სტუდენტთა *საბაკალავრო, სამაგისტრო, სადოქტორო* ნაშრომების მაღალ პროფესიულ დონეზე შესრულებას, მათ ჩართვას სამეცნიერო გრანტებში და მონაწილეობას როგორც სტუდენტთა და ახალგაზრდა მეცნიერთანამშრომელთა, ასევე ადგილობრივ და საერთაშორისო სამეცნიერო კონფერენციებში.
- საჭიროების შემთხვევაში, უნივერსიტეტის ფარგლებში, ინსტიტუტისთვის არაპროფილური მიმართულებებით ხელი შეუწყოს სტუდენტთა *საბაკალავრო, სამაგისტრო, სადოქტორო* ნაშრომების მომზადებისას მათემატიკური მეთოდებისა და კომპიუტერული ტექნოლოგიების გამოყენებას;
- ინსტიტუტში მისი ძირითადი სამეცნიერო მიმართულებების შესაბამისად დოქტორანტებისა და მაგისტრანტების მომზადების უზრუნველყოფა;
- საჭიროების შემთხვევაში სტუდენტთა ლაბორატორიული სამუშაოების და სხვადასხვა სახის პრაქტიკის (საწარმოო და სხვ.) ინსტიტუტის ბაზაზე ჩატარების უზრუნველყოფა.

- 2.2. ინსტიტუტი უფლებამოსილია, განსაზღვროს საინსტიტუტო სამეცნიერო-კვლევითი სამუშაოს პრიორიტეტები და შესაბამისი პერსპექტიული პროგრამები; ჩაატაროს სამეცნიერო კონფერენციები და სამეცნიერო ხასიათის სხვა ტიპის ღონისძიებები; დაამყაროს სამეცნიერო კონტაქტები სხვა, მათ შორის საზღვარგარეთის, სამეცნიერო ცენტრებთან;
- 2.3. ინსტიტუტი უფლებამოსილია, კანონმდებლობით დადგენილი წესით განახორციელოს სამეცნიერო-კვლევით საქმიანობასთან დაკავშირებული დამხმარე საქმიანობა.

მუხლი 3. ინსტიტუტის პერსონალი

- 3.1. ინსტიტუტის პერსონალი შედგება დირექტორის, დირექტორის მოადგილის/მოადგილეებისა და სხვა პერსონალისაგან.
- 3.2. ინსტიტუტის პერსონალის უფლება-მოვალეობები და მათი დანიშვნა-განთავისუფლების პირობები განისაზღვრება მოქმედი კანონმდებლობითა და უნივერსიტეტის შინაგანწესით.

მუხლი 4. ინსტიტუტის სტრუქტურა და მართვა

- 4.1. ინსტიტუტის სტრუქტურა ყალიბდება და იცვლება ინსტიტუტის ამოცანების, ფუნქციებისა და შესაძლო დაფინანსების შესაბამისად.
- 4.2. ინსტიტუტის მეცნიერთა საერთო კრება ინსტიტუტის მეცნიერთაგან ირჩევს ინსტიტუტის სამეცნიერო საბჭოს.
- 4.3. ინსტიტუტის მიზნებისა და საქმიანობის შესაბამისად შეიძლება ინსტიტუტის ფარგლებში შეიქმნას ან გაუქმდეს ქვედანაყოფები (ლაბორატორიები, განყოფილებები და სხვ.).
- 4.4. ინსტიტუტის სამეცნიერო და საორგანიზაციო საქმიანობას ხელმძღვანელობს დირექტორი, რომელსაც განსაზღვრული ვადით ნიშნავს უნივერსიტეტის რექტორი ინსტიტუტის სამეცნიერო საბჭოს წარდგინებით.
- 4.5. ინსტიტუტის თანამშრომელი მოვალეა:
 - დაიცვას დებულება და შეასრულოს ინსტიტუტის სამეცნიერო საბჭოს გადაწყვეტილებები;
 - დებულებით გათვალისწინებული საქმიანობის განხორციელებისას გაითვალისწინოს ინსტიტუტის ინტერესები და რეგულარულად მიიღოს მონაწილეობა მის ღონისძიებებში;
 - გაუფრთხილდეს ინსტიტუტის რეპუტაციას, ხელი შეუწყოს მისი მიზნების განხორციელებას;
 - ინსტიტუტის თანამშრომელს უფლებამოსილება უწყდება პირადი განცხადებით, ან ინსტიტუტის საბჭოს გადაწყვეტილებით მასზე დაკისრებული მოვალეობების შეუსრულებლობის შემთხვევაში, ან საქართველოს კანონმდებლობით განსაზღვრულ სხვა შემთხვევაში.

მუხლი 5. ინსტიტუტის სამეცნიერო საბჭოს უფლებამოსილებანი

- 5.1. სამეცნიერო საბჭო დირექტორის წარდგინებით ამტკიცებს ინსტიტუტის განვითარების გეგმას, სასწავლო და სამეცნიერო-კვლევით პროგრამებს.
- 5.2. სამეცნიერო საბჭო ისმენს და ამტკიცებს დირექტორის წლიურ ანგარიშს.
- 5.3. სამეცნიერო საბჭოს სხდომა უფლებამოსილია მიიღოს გადაწყვეტილებები, თუ მას წევრთა 2/3 მაინც ესწრება. გადაწყვეტილება მიღებულად ითვლება, თუ მას ხმა მისცა დამსწრეთაგან ნახევარზე მეტმა.
- 5.4. სამეცნიერო საბჭოს სხდომა იმართება თვეში ერთხელ მაინც დირექტორის, სამეცნიერო საბჭოს თავმჯდომარის ან სამეცნიერო საბჭოს წევრთა შესამდის ინიციატივით.
- 5.5. სამეცნიერო საბჭოს თავმჯდომარეს თავისი შემადგენლობიდან ირჩევს ინსტიტუტის სამეცნიერო საბჭო 4 წლის ვადით.

მუხლი 6. ინსტიტუტის დირექტორი

- 6.1. ინსტიტუტის დირექტორი:
 - ა) უზრუნველყოფს ინსტიტუტში კვლევების ეფექტიან წარმართვას;
 - ბ) უნივერსიტეტის ადმინისტრაციას განსახილველად და დასამტკიცებლად წარუდგენს ინსტიტუტის განვითარების გეგმას, სასწავლო და სამეცნიერო-კვლევით პროგრამებს;

- გ) თავისი კომპეტენციის ფარგლებში პასუხისმგებელია უნივერსიტეტის მართვის ორგანოების გადაწყვეტილებების შესრულებაზე;
 - დ) ამ დებულების შესაბამისად პასუხისმგებელია ინსტიტუტის ბიუჯეტის მიზნობრივ გამოყენებაზე;
 - ე) უნივერსიტეტის ადმინისტრაციასთან შეთანხმებით შეიმუშავებს და ადმინისტრაციის ხელმძღვანელს დასამტკიცებლად წარუდგენს ინსტიტუტის ბიუჯეტის პროექტს;
 - ვ) ხელმძღვანელობს სამეცნიერო და საორგანიზაციო ანგარიშების შედგენას;
 - ზ) უფლებამოსილია, კანონმდებლობით დადგენილი წესით დასვას საკითხი თანამშრომელთა წახალისებისა და მათ მიმართ დისციპლინარული პასუხისმგებლობის ზომების გამოსაყენებლად;
 - თ) საკუთარი უფლებამოსილების ვადით ინსტიტუტის პერსონალის შემადგენლობიდან ინსტიტუტის დირექტორის მოადგილის/მოადგილეების კანდიდატურას/კანდიდატურებს დასამტკიცებლად წარუდგენს უნივერსიტეტის ადმინისტრაციის ხელმძღვანელს;
 - ი) უნივერსიტეტის რექტორის მიერ მინიჭებული უფლებამოსილების საფუძველზე წარმოადგენს ინსტიტუტს მესამე პირებთან ურთიერთობაში და დებს ხელშეკრულებებს;
 - კ) ახორციელებს ამ დებულებითა და უნივერსიტეტის წესდებით გათვალისწინებულ სხვა უფლებამოსილებას.
- 6.2. დირექტორის არყოფნის შემთხვევაში დირექტორის მოვალეობას მისივე დავალებით ასრულებს დირექტორის მოადგილე.
- 6.3. დირექტორს უფლებამოსილება ვადამდე შეუწყდება:
- პირადი განცხადების საფუძველზე;
 - სასამართლოს მიერ მის მიმართ გამოტანილი გამამტყუნებელი განაჩენის ძალაში შესვლისას;
 - სასამართლოს მიერ ქმედითუნარიოდ ან შეზღუდულქმედითუნარიანად აღიარებისას;
 - გარდაცვალების გამო;
 - საქართველოს კანონმდებლობით გათვალისწინებულ სხვა შემთხვევაში.

მუხლი 7. ინსტიტუტის ქონება და საფინანსო-სამეურნეო საქმიანობა

- 7.1. ინსტიტუტი სარგებლობს უნივერსიტეტის მიერ ინსტიტუტისთვის გამოყოფილი სასწავლო-სამეცნიერო საქმიანობისთვის აუცილებელი მოძრავი და უძრავი ქონებით. ინსტიტუტი პასუხისმგებელია ამ ქონების ეფექტიან გამოყენებასა და მოვლაზე.
- 7.2. ინსტიტუტის დაფინანსების წყარო შეიძლება იყოს:
- სამეცნიერო გრანტებით და პროექტებით მიღებული შემოსავალი;
 - საუნივერსიტეტო ბიუჯეტი;
 - ხელშეკრულების საფუძველზე შესრულებული სამუშაოდან მიღებული შემოსავალი;
 - შემოწირულობები;
 - საქართველოს კანონმდებლობით ნებადართული დაფინანსების სხვა წყარო.
- 7.3. ინსტიტუტის საქმიანობით მოზიდული სახსრები ხმარდება ინსტიტუტის განვითარებას.

მუხლი 8. ინსტიტუტის ლიკვიდაცია

- 8.1. ინსტიტუტის ლიკვიდაციის საფუძველი შეიძლება გახდეს:
- ინსტიტუტის დაფუძნების საფუძველად წარმოდგენილი პროგრამით/პროექტით გათვალისწინებული ვალდებულებების შეუსრულებლობა;
 - ინსტიტუტის მიერ ზედიზედ 3 წლის განმავლობაში სამეცნიერო გრანტზე ან პროექტზე განაცხადის წარუდგენლობა ან 5 წლის განმავლობაში სამეცნიერო გრანტის ან პროექტის მიუღებლობა;
 - საქართველოს კანონმდებლობით გათვალისწინებული სხვა შემთხვევა.

მუხლი 9. დებულებაში ცვლილებებისა და დამატებების შეტანის წესი

- 9.1. ინსტიტუტის დებულებაში ცვლილებებისა და დამატებების შეტანა ხდება საქართველოს კანონმდებლობითა და უნივერსიტეტის წესდებით დადგენილი წესით.

დამტკიცებულია თსუ-ს წარმომადგენლობითი საბჭოს
გადაწყვეტილებით (სხდომა №19, 01.05.2009)

წარმომადგენლობითი საბჭოს სპიკერი განაიერ ღორია



**ივ. ჯავახიშვილის სახელობის თბილისის სახელმწიფო უნივერსიტეტის
მაღალი ენერჯიების ფიზიკის სამეცნიერო-კვლევითი ინსტიტუტის
დ ე ბ უ ლ ე ბ ა**

მუხლი 1. ზოგადი დებულებები

- 1.1. ივ. ჯავახიშვილის სახელობის თბილისის სახელმწიფო უნივერსიტეტის (შემდგომში – უნივერსიტეტი) მაღალი ენერჯიების ფიზიკის სამეცნიერო-კვლევითი ინსტიტუტი (შემდგომში – ინსტიტუტი) არის საუნივერსიტეტო მნიშვნელობის ერთეული.
- 1.2. ინსტიტუტი თავის საქმიანობაში ხელმძღვანელობს საქართველოს კანონმდებლობით, უნივერსიტეტის წესდებით და ამ დებულებით.
- 1.3. ინსტიტუტს აქვს ბლანკი. საჭიროების შემთხვევაში ინსტიტუტს შეიძლება გაეხსნას საბანკო ქვეანგარიში.

მუხლი 2. ინსტიტუტის მიზნები და საქმიანობის საგანი

2.1. ინსტიტუტის მიზანია:

- განახორციელოს ფუნდამენტური და გამოყენებითი ხასიათის სამეცნიერო-კვლევითი სამუშაოები მაღალი ენერჯიების ფიზიკასა (თეორია და ექსპერიმენტი) და ინფორმაციულ ტექნოლოგიებში, გარდა ამისა, საკონსულტაციო და საექსპერტო საქმიანობა სახელმწიფო ან კერძო სექტორის დაკვეთით;
- წარმოადგენდეს საუნივერსიტეტო ბაზას, არა მარტო ზუსტ და საბუნებისმეტყველო, არამედ ჰუმანიტარულ, საზოგადოებრივ, სოციალურ, ეკონომიკურ, იურიდიულ, სამედიცინო დარგებში უნივერსიტეტის თანამშრომლების მიერ კვლევების საწარმოებლად ფიზიკური მეთოდებისა და ინფორმაციული ტექნოლოგიების გამოყენებით;
- ინსტიტუტის პროფილის ფარგლებში ხელი შეუწყოს სტუდენტთა საბაკალავრო, სამაგისტრო, სადოქტორო ნაშრომების მაღალ პროფესიულ დონეზე შესრულებას, მათ ჩართვას სამეცნიერო გრანტებში, მონაწილეობას როგორც სტუდენტთა და ახალგაზრდა მეცნიერ-თანამშრომელთა, ასევე საერთაშორისო დონის სამეცნიერო კონფერენციებში და საერთაშორისო თანამშრომლობის ფარგლებში მიმდინარე სამეცნიერო სამუშაოებში. აგრეთვე საჭიროების შემთხვევაში, უნივერსიტეტის ფარგლებში, ინსტიტუტისათვის არაპროფილური მიმართულებებით ხელი შეუწყოს საბაკალავრო, სამაგისტ-

ტრო, სადოქტორო ნაშრომების მომზადებისას ფიზიკური მეთოდების და ინფორმაციული ტექნოლოგიების გამოყენებას;

- ინსტიტუტში მისი ძირითადი სამეცნიერო მიმართულებების შესაბამისი სამაგისტრო და სადოქტორო პროგრამების შედგენა და მათი საშუალებით დოქტორანტებისა და მაგისტრანტების მომზადების უზრუნველყოფა;
 - საჭიროების შემთხვევაში სტუდენტთა სხვადასხვა სახის პრაქტიკის (ლაბორატორიების, კომპიუტერული ცენტრის და სამეცნიერო ბიბლიოთეკის გამოყენებით) ინსტიტუტის ბაზაზე ჩატარების უზრუნველყოფა;
 - ზუსტ და საბუნებისმეტყველო ფაკულტეტთან არსებულ საბავშვო უნივერსიტეტთან აქტიური თანამშრომლობა (ლექციების წაკითხვა, სემინარების და ლაბორატორიული სამუშაოების ჩატარება). ითანამშრომლოს სკოლებთან თანამედროვე ფიზიკის ფუნდამენტალურ პრობლემათა პოპულარიზაციის მიზნით (ღია გაკვეთილების ჩატარება, პრაქტიკული მეცადინეობების ჩატარება და ა.შ.).
- 2.2. ინსტიტუტი უფლებამოსილია, განსაზღვროს საინსტიტუტო სამეცნიერო-კვლევითი მუშაობის პერსპექტიული პროგრამა და პრიორიტეტები; ჩაატაროს სამეცნიერო კონფერენციები და სამეცნიერო ხასიათის სხვა ტიპის ღონისძიებები; დაამყაროს სამეცნიერო კონტაქტები სხვა, მათ შორის საზღვარგარეთის, სამეცნიერო ცენტრებთან; მონაწილეობა მიიღოს საერთაშორისო თანამშრომლობებში.
- 2.3. ინსტიტუტი უფლებამოსილია, კანონმდებლობით დადგენილი წესით განახორციელოს სამეცნიერო-კვლევით საქმიანობასთან დაკავშირებული დამხმარე საქმიანობა.

მუხლი 3. ინსტიტუტის პერსონალი

- 3.1. ინსტიტუტის პერსონალი შედგება დირექტორის, დირექტორის მოადგილის/მოადგილეებისა და სხვა პერსონალისაგან.
- 3.2. ინსტიტუტის პერსონალის უფლება-მოვალეობები და მათი დანიშვნა-განთავისუფლების პირობები განისაზღვრება მოქმედი კანონმდებლობითა და უნივერსიტეტის შინაგანწესით

მუხლი 4. ინსტიტუტის სტრუქტურა და მართვა

- 4.1. ინსტიტუტის სტრუქტურა ყალიბდება და იცვლება ინსტიტუტის ამოცანების, ფუნქციებისა და დაფინანსების შესაბამისად.
- 4.2. ინსტიტუტის მეცნიერთა საერთო კრება ინსტიტუტის მეცნიერთანამშრომელთაგან ირჩევს ინსტიტუტის სამეცნიერო საბჭოს ხუთი წლის ვადით. საბჭოს შემადგენლობაში შეიძლება შეყვანილ იქნენ მეცნიერები სხვა სამეცნიერო-კვლევითი ინსტიტუტებიდან, უმაღლესი სასწავლებლებიდან და საპატიო წევრები, რომელთაც ინსტიტუტის წინაშე დიდი დამსახურება მიუძღვით.
- 4.3. ინსტიტუტის მიზნებისა და საქმიანობის შესაბამისად შეიძლება ინსტიტუტის ფარგლებში შეიქმნას ან გაუქმდეს ქვედანაყოფები (ლაბორატორიები, განყოფილებები, საცდელი წარმოება და სხვ.).
- 4.4. ინსტიტუტის სამეცნიერო და საორგანიზაციო საქმიანობას ხელმძღვანელობს დირექტორი, რომელსაც განსაზღვრული ვადით ნიშნავს უნივერსიტეტის რექტორი ინსტიტუტის სამეცნიერო საბჭოს წარდგინებით.
- 4.5. ინსტიტუტის (ქვედანაყოფის) წევრი მოვალეა:
- დაიცვას წინამდებარე დებულება და შეასრულოს ინსტიტუტის სამეცნიერო საბჭოს გადაწყვეტილებები;

- დებულებით გათვალისწინებული საქმიანობის განხორციელებისას გაითვალისწინოს ინსტიტუტის ინტერესები და რეგულარულად მიიღოს მონაწილეობა მიმდინარე ღონისძიებებში;
- გაუფრთხილდეს ინსტიტუტის რეპუტაციას, ხელი შეუწყოს მისი მიზნების განხორციელებას;
- ინსტიტუტის წევრს უფლებამოსილება უწყდება პირადი განცხადებით, ინსტიტუტის სამეცნიერო საბჭოს გადაწყვეტილებით, მასზე დაკისრებული მოვალეობების შეუსრულებლობის შემთხვევაში ან საქართველოს კანონმდებლობით განსაზღვრულ სხვა შემთხვევაში.

მუხლი 5. ინსტიტუტის სამეცნიერო საბჭოს უფლებამოსილებანი

- 5.1. სამეცნიერო საბჭო დირექტორის წარდგინებით ამტკიცებს ინსტიტუტის განვითარების გეგმას, სასწავლო და სამეცნიერო-კვლევით პროგრამებს.
- 5.2. ინსტიტუტის სამეცნიერო საბჭო ისმენს და ამტკიცებს სამეცნიერო ქვედანაყოფების ხელმძღვანელთა წლიურ ანგარიშს.
- 5.3. სამეცნიერო საბჭოს სხდომა უფლებამოსილია მიიღოს გადაწყვეტილებები, თუ მას წევრთა 2/3 მაინც ესწრება. გადაწყვეტილება მიღებულად ითვლება, თუ მას ხმა მისცა დამსწრეთაგან ნახევარზე მეტმა.
- 5.4. სამეცნიერო საბჭოს სხდომა იმართება თვეში ერთხელ მაინც დირექტორის, სამეცნიერო საბჭოს თავმჯდომარის ან სამეცნიერო საბჭოს წევრთა მესამედის ინიციატივით.
- 5.5. სამეცნიერო საბჭოს თავმჯდომარეს თავისი შემადგენლობიდან ირჩევს ინსტიტუტის სამეცნიერო საბჭო 4 წლის ვადით.

მუხლი 6. ინსტიტუტის დირექტორი

- 6.1. ინსტიტუტის დირექტორი:
 - ა) უზრუნველყოფს ინსტიტუტში სამეცნიერო კვლევების ეფექტიან წარმართვას;
 - ბ) უნივერსიტეტის ადმინისტრაციას განსახილველად და დასამტკიცებლად წარუდგენს ინსტიტუტის განვითარების გეგმას, სასწავლო და სამეცნიერო-კვლევით პროგრამებს;
 - გ) თავისი უფლებამოსილების ფარგლებში პასუხისმგებელია უნივერსიტეტის მართვის ორგანოების გადაწყვეტილებების შესრულებაზე;
 - დ) უნივერსიტეტის ადმინისტრაციასთან შეთანხმებით შეიმუშავებს და ადმინისტრაციის ხელმძღვანელს დასამტკიცებლად წარუდგენს ინსტიტუტის ბიუჯეტის პროექტს;
 - ე) ამ დებულების შესაბამისად პასუხისმგებელია ინსტიტუტის ბიუჯეტის მიზნობრივ გამოყენებაზე;
 - ვ) ხელმძღვანელობს სამეცნიერო და სამეცნიერო-საორგანიზაციო ანგარიშების შედგენას;
 - ზ) უფლებამოსილია, კანონმდებლობით დადგენილი წესით დასვას საკითხი უნივერსიტეტის ადმინისტრაციის წინაშე თანამშრომელთა წახალისებისა და მათ მიმართ დისციპლინარული პასუხისმგებლობის ზომების გამოსაყენებლად;
 - თ) საკუთარი უფლებამოსილების ვადით ინსტიტუტის სამეცნიერო პერსონალის შემადგენლობიდან ნიშნავს ინსტიტუტის დირექტორის მოადგილეს/მოადგილეებს, რომელსაც დასამტკიცებლად წარუდგენს უნივერსიტეტის ადმინისტრაციის ხელმძღვანელს;
 - ი) უნივერსიტეტის რექტორის მიერ მინიჭებული უფლებამოსილების საფუძველზე წარმოადგენს ინსტიტუტს მესამე პირებთან ურთიერთობაში და დებს ხელშეკრულებებს;

- კ) ახორციელებს ამ დებულებითა და უნივერსიტეტის წესდებით გათვალისწინებულ სხვა უფლებამოსილებას.
- 6.2. დირექტორის არყოფნის შემთხვევაში დირექტორის მოვალეობას მისივე დაავალებით ასრულებს დირექტორის მოადგილე.
- 6.3. დირექტორს უფლებამოსილება ვადაძლე შეუწყდება:
- პირადი განცხადების საფუძველზე;
 - სასამართლოს მიერ მის მიმართ გამოტანილი გამამტყუნებელი განაჩენის ძალაში შესვლისას;
 - სასამართლოს მიერ ქმედითუნარიან ან შეზღუდულქმედითუნარიანად აღიარებისას;
 - გარდაცვალების გამო;
 - საქართველოს კანონმდებლობით გათვალისწინებულ სხვა შემთხვევებში.

მუხლი 7. ინსტიტუტის ქონება და საფინანსო-სამეურნეო საქმიანობა

- 7.1. ინსტიტუტი სარგებლობს უნივერსიტეტის მიერ ინსტიტუტისთვის გამოყოფილი სასწავლო-სამეცნიერო საქმიანობისთვის აუცილებელი მოძრავი და უძრავი ქონებით. ინსტიტუტი პასუხისმგებელია ამ ქონების ეფექტიან გამოყენებასა და მოვლაზე.
- 7.2. ინსტიტუტის დაფინანსების წყარო შეიძლება იყოს:
- საუნივერსიტეტო ბიუჯეტიდან მიზნობრივად გამოყოფილი თანხები;
 - ხელშეკრულების საფუძველზე შესრულებული სამუშაოდან მიღებული შემოსავალი;
 - გრანტებით მიღებული შემოსავალი;
 - შემოწირულობები;
 - საქართველოს კანონმდებლობით ნებადართული დაფინანსების სხვა წყარო.
- 7.3. ინსტიტუტის საქმიანობით მოზიდული სახსრები ხმარდება ინსტიტუტის განვითარებას.


მუხლი 8. ინსტიტუტის ლიკვიდაცია

- 8.1. ინსტიტუტის ლიკვიდაციის საფუძველი შეიძლება გახდეს:
- ინსტიტუტის დაფუძნების საფუძველად წარმოდგენილი პროგრამით/პროექტით გათვალისწინებული ვალდებულებების შეუსრულებლობა;
 - ინსტიტუტის მიერ ზედიზედ 3 წლის განმავლობაში სამეცნიერო გრანტზე განაცხადის წარუდგენლობა ან ზედიზედ 5 წლის განმავლობაში გრანტის მიუღებლობა;
 - საქართველოს კანონმდებლობით გათვალისწინებული სხვა შემთხვევა.

მუხლი 9. დებულებაში ცვლილებებისა და დამატებების შეტანის წესი

- 8.1. ინსტიტუტის დებულებაში ცვლილებებისა და დამატებების შეტანა ხდება საქართველოს კანონმდებლობითა და უნივერსიტეტის წესდებით დადგენილი წესით.

დამტკიცებულია თსუ-ს წარმომადგენლობითი საბჭოს
გადაწყვეტილებით (სხდომა №19, 01.05.2009)

წარმომადგენლობითი საბჭოს სპიკერი  ლორია

ივ. ჯავახიშვილის სახელობის თბილისის სახელმწიფო უნივერსიტეტის ტურიზმის
საერთაშორისო სკოლის

დ ე ბ უ ლ ე ბ ა

მუხლი 1. ზოგადი დებულებები

- 1.1. ივ. ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლა (შემდგომში სკოლა) წარმოადგენს ივ. ჯავახიშვილის სახელობის თბილისის სახელმწიფო უნივერსიტეტის (შემდგომში უნივერსიტეტი) საუნივერსიტეტო მნიშვნელობის სტრუქტურულ ერთეულს.
- 1.2. სკოლის ინგლისური სახელწოდებაა: International School of Tourism (შემოკლებით - IST).
- 1.3. სკოლა თავის საქმიანობაში ხელმძღვანელობს საქართველოს კანონმდებლობით, უნივერსიტეტის წესდებით და ამ დებულებით.
- 1.4. სკოლას აქვს ტიტულიანი ბლანკი, ბეჭედი და სხვა აქსესუარები, ასევე საბანკო ქვეანგარიში.
- 1.5. სკოლა განთავსებულია უნივერსიტეტის ქუჩა №2-ში (ი. ვეკუას სახ. გამოყენებითი მათემატიკის ინსტიტუტის შენობაში), 0179 თბილისი.

მუხლი 2. სკოლის საქმიანობის მიზანი და ამოცანები

- 2.1. სკოლის მიზანია საქართველოში ტურიზმისა და მასპინძლობის მენეჯმენტში სწავლების, გადამზადებისა და კვლევების საერთაშორისო სტანდარტების შესაბამისი ხარისხის სასწავლო პროგრამების მომზადება, დანერგვა და განხორციელება.

2.2. სკოლის ამოცანებია:

- ტურიზმისა და მასპინძლობის სასწავლო პროგრამების შექმნისა და დანერგვის უზრუნველყოფა;
- აღნიშნული პროგრამებით ბაკალავრიატის, მაგისტრატურის და დოქტორანტურის სასწავლო და კვლევითი პროგრამების განხორციელება;
- ინგლისურ და სხვა-ენოვანი საკუთარი და ერთობლივი სასწავლო პროგრამების დანერგვა;
- დაჩქარებული და დისტანციური სასწავლო პროგრამების დანერგვა და განხორციელება;
- ინტერნატურის დანერგვა საბაზო სასტუმროებსა და ტურისტულ ორგანიზაციებში;
- სასწავლო პროგრამების სრულყოფის მიზნით აქტიური თანამშრომლობა უცხოურ უნივერსიტეტებთან და სხვა ინსტიტუტებთან;
- კადრების პროფესიული გადამზადება ტურიზმსა და მასპინძლობაში გრძელ და მოკლევადიანი პროგრამებით;
- სამეცნიერო და პრაქტიკული კვლევების ჩატარება;
- გრანტების მოზიდვა;
- ორგანიზაციებისა და კომპანიების დაკვეთით ტურიზმსა და მასპინძლობაში სპეციალური კურსების, სემინარების, კონფერენციების, ფორუმებისა და სხვა ღონისძიებების ორგანიზება-ჩატარება და სხვ.

მუხლი 3. სკოლის პერსონალი

- 3.1. სკოლის სტრუქტურული აგებულება განისაზღვრება მასში შემავალი ძირითადი სტრუქტურული ერთეულების მიხედვით:
 - სკოლის მმართველი რგოლი;
 - მრჩეველთა საბჭო (საზოგადოებრივ საწყისებზე);
 - სასწავლო-კვლევითი ცენტრი;
 - სტუდენტთა მომსახურების ოფისი;
 - ბიბლიოთეკა (ნაბეჭდი და ელექტრონული).
- 3.2. სკოლის მთელ საქმიანობას წარმართავს სკოლის ხელმძღვანელი (დირექტორი), რომელიც ადგენს სკოლის განვითარების სტრატეგიას.
- 3.3. მრჩეველთა საბჭო კომპლექტდება ტურიზმისა და მასპინძლობის ინდუსტრიისა და მონათესავე სფეროების თვალსაჩინო წარმომადგენლებით და შეიმუშავებს გარკვეულ

რეკომენდაციებს სწავლებისა და გადამზადების სტრატეგიული მიმართულებების განვითარების თაობაზე.

3.4. სკოლის ხელმძღვანელი (დირექტორი) ინიშნება თსუ-ს ადმინისტრაციის ხელმძღვანელის მიერ და წარმოადგენს სკოლას უნივერსიტეტის შიგნითა და მის ფარგლებს გარეთ.

3.5. საჭიროებიდან გამომდინარე სკოლის ხელმძღვანელი (დირექტორი) სვამს საკითხს შესაბამისი შიდა სტრუქტურების (დეპარტამენტები, ცენტრები, ოფისები) შექმნის შესახებ, იყენებს მოზიდულ არასაბიუჯეტო სახსრებს სკოლის მატერიალურ-ტექნიკური ბაზის გაუმჯობესების, სასწავლო პროცესის სრულყოფისა და თანამშრომელთა მატერიალური სტიმულირებისათვის ადმინისტრაციის ხელმძღვანელთან შეთანხმებით.

3.6. სკოლის პერსონალის უფლება-მოვალეობები, მათი თანამდებობაზე დანიშვნისა და გათავისუფლების პირობები განისაზღვრება სკოლის დირექტორის მიერ და მოქმედი კანონმდებლობისა და უნივერსიტეტის წესდების შესაბამისად დასამტკიცებლად წარდგინება თსუ-ს ადმინისტრაციის ხელმძღვანელს.

3.7. სკოლის დირექტორი, თსუ-ს ადმინისტრაციის ხელმძღვანელთან შეთანხმებით, განსაზღვრავს სასწავლო და გადამამზადებელი პროგრამების ღირებულებას.

3.8. სკოლის მიერ მოზიდული ფინანსური სახსრების არანაკლებ 70%-სა ხმარდება სკოლის განვითარებას.

მუხლი 4. დამატებითი დებულებანი

4.1. საკითხები, რომელთაც არ მოიცავს წინამდებარე დებულება (ქონება, ფინანსები, სტუდენტებთან მუშაობა და სხვ) რეგულირდება უნივერსიტეტის წესდებისა და მოქმედი კანონმდებლობის შესაბამისად.

მუხლი 5. სკოლის გარდაქმნა, რეორგანიზაცია, ლიკვიდაცია

5.1. სკოლის გარდაქმნა, რეორგანიზაცია და ლიკვიდაცია ხორციელდება მოქმედი კანონმდებლობის შესაბამისად.



ივანე ჯავახიშვილის სახელობის
თბილისის სახელმწიფო უნივერსიტეტი



№313/01-02-03-13

22.04.09

ივანე ჯავახიშვილის სახელობის
თბილისის სახელმწიფო უნივერსიტეტის
წარმომადგენლობითი საბჭოს სპიკერს
ბატონ კახაბერ ლორიას

ბატონო კახაბერ,

მოგახსენებთ, რომ ივანე ჯავახიშვილის სახელობის თბილისის სახელმწიფო უნივერსიტეტსა (მეიჯარე) და კონკურსში გამარჯვებულ შ.პ.ს. “ფუდ-მასტერს” შორის (მოიჯარე) კანონმდებლობის სრული დაცვით დაიღო საიჯარო ხელშეკრულება 16.10.2007 წ. №21/08, რომლითაც მოიჯარეს გადაეცა ქ. თბილისში, ი. ჭავჭავაძის გამზ. №1-ში მდებარე შენობა-ნაგებობა ფართით 1060,56 (ათას სამოცი და ორმოცდათექვსმეტი მეთასედი) კვ.მ და უნივერსიტეტის ქ. №2-ში არსებული 664 (ექვსას სამოცდაოთხი) კვ.მ ფართი კვების ობიექტის მოსაწყობად.

უნივერსიტეტს მომართა შ.პ.ს. “ფუდ-მასტერის” დირექტორმა ალ. მაკარიძემ წერილით, რომელშიც აღნიშნულია, რომ საერთო ეკონომიკური კრიზისიდან, 2008 წლის რუსეთ-საქართველოს ომით გამოწვეული ვითარებიდან გამომდინარე, ასევე უნივერსიტეტის I კორპუსის შენობის სარემონტო სამუშაოების გამო სტუდენტებისა და პროფესორ-მასწავლებლების სხვა კორპუსებში გადანაწილებით კომპანიას შეექმნა სერიოზული ფინანსური და ეკონომიკური პრობლემები. გამომდინარე აქედან, ზემოაღნიშნული ობიექტების შენარჩუნებისათვის, კომპანიის მენეჯმენტს ერთ-ერთ აუცილებელ პირობად მიაჩნია ხარჯების შემცირება – იჯარით აღებული ფართების დაუტვირთავი ნაწილის მეიჯარისთვის უკან დაბრუნების გზით, კერძოდ, ჭავჭავაძის გამზ. №1-ში მდებარე 1060,56 კვ.მ ფართის შემცირება 532 კვ.მ-ით (მეორე სართულის დარბაზი 250 კვ.მ და სარდაფი 224) ასევე, უნივერსიტეტის ქ. №2-ში მდებარე 664 კვ.მ ფართის შემცირება 198 კვ.მ-ით დარბაზის ნაწილის ხარჯზე (იხ. გეგმა).

ივანე ჯავახიშვილის სახელობის თბილისის სახელმწიფო უნივერსიტეტისათვის, როგორც მეიჯარისათვის მისაღებია აღნიშნული წინადადება, იმის გათვალისწინებით, რომ იგი არ არის დაკავშირებული 1 (ერთ) კვადრატულ მეტრზე საიჯარო ქირის არსებული ფასის შემცირებასთან, ამასთან უნივერსიტეტს უბრუნდება ფართი გარემონტებულ მდგომარეობაში, რასაც გამოვიყენებთ საჭიროებისამებრ. ურთიერთშეთანხმების მიღწევის შემთხვევაში, შ.პ.ს. “ფუდ-მასტერს” იჯარით აღებული დარჩება შესაბამისად, 586,56 კვ.მ და 466 კვ.მ. ფართი.

“უმაღლესი განათლების შესახებ” საქართველოს კანონის 85-ე მუხლიდან გამომდინარე, გთხოვთ, წარმომადგენლობითი საბჭოს უახლოეს სხდომაზე განიხილოთ აღნიშნული საკითხი და დაგერთოთ ნება, რათა ივანე

ჯავახიშვილის სახელობის თბილისის სახელმწიფო უნივერსიტეტსა და შ.პ.ს. "ფუდ-მასტერს" შორის 16.10.2007 წ. №21/08 საიჯარო ხელშეკრულების 1-ლი მუხლის 1.1. პუნქტში შეტანილი იქნას ცვლილება და მოიჯარესათვის გადაცემული ფართი განისაზღვროს, ქ. თბილისში, ი. ჭავჭავაძის გამზ. №1-ში მდებარე შენობა-ნაგებობა 586,56 (ხუთასოთხმოცდაექვსი და ორმოცდათექვსმეტი მეთრეშედი) კვ.მ და უნივერსიტეტის ქ. №2-ში 466 (ოთხასსამოცდაექვსი) კვ.მეტრის ოდენობით.

წინასწარ გიხდით მადლობას.

დანართი: "5" ფ;

პატივისცემით,

ადმინისტრაციის ხელმძღვანელის
მოვალეობის შემსრულებელი

რ. ხარქიაძე რომან ხარბელია